



**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՊԵՏԱԿԱՆ ԵԿԱՄՈՒՏՆԵՐԻ ԿՈՄԻՏԵ
ԻՐԱՎԱԲԱՆԱԿԱՆ ՎԱՐՉՈՒԹՅՈՒՆ**

ՎԱՐՉԱԿԱՆ ԱԿՏ N 1512804

**ՀԱՐԿԱՅԻՆ ՊԱՐՏԱՎՈՐՈՒԹՅՈՒՆՆԵՐԻ ՀԱՇՎԱՐԿՄԱՆ ԵՎ
ԳԱՆՁՄԱՆ ԱՌԱՋԱԴՐՄԱՆ ՎԵՐԱԲԵՐՅԱԼ**

15 հունիսի 2021թ.

Բ. Երևան
(կազմման վայրը)

Ակտի հասցեատեր

Ֆիզիկական անձ Արուսյակ Արամի Մկրտչյան

(անհատ ձեռնարկատիրոջ անունը, ազգանունը (անհատ ձեռնարկատեր նշումով) կամ իրավաբանական անձի անվանումը)

(Նույն. քարտ՝ 000337139, ՀԾՀ՝ 6211820119, Արարատի մ., ք. Վեդի, Գայի 2)

Խախտման նկարագրությունը

ՀՀ ՊԵԿ ՀՕՀ վարչության պետի 14.05.2021թ-ի թիվ 1512804 որոշման համաձայն ձեռնարկված օպերատիվ-հետախուզական միջոցառումների շրջանակներում պարզվել է, որ ֆիզիկական անձ Արուսյակ Արամի Մկրտչյանը առանց պետական գրանցման և հարկային մարմիններում հաշվառման 2019թ-ի ապրիլից մինչև 27.05.2021թ-ը մատուցել է հաշվապահական ծառայություններ: Նշված գործունեությունից Արուսյակ Արամի Մկրտչյանի ձեռնարկատիրական եկամուտը կազմել է 405.000 ՀՀ դրամ:

Վերոգրյալը հաստատվել է Արուսյակ Արամի Մկրտչյանի կողմից 27.05.2021թ-ին ներկայացված գրավոր հայտարարությամբ:

Թիվ 1512804 արձանագրությամբ 27.05.2021թ. հարուցվել է վարչական վարույթ: Կողմը, պատշաճ ծանուցված լինելով, չի ներկայացել 03.06.2021թ-ին նշանակված վարչական վարույթի լուծմանը: Գործում առկա չեն լրացուցիչ ապացույցներ, չեն ներկայացվել միջնորդություններ:

Վերոշարադրյալ արարքն առաջացնում է պատասխանատվություն՝ ՀՀ հարկային օրենսգրքի 407-րդ հոդվածի 1-ին մասով ըստ որի՝ «Օպերատիվ-հետախուզական գործունեության մասին» Հայաստանի Հանրապետության օրենքով սահմանված կարգով իրականացվող օպերատիվ-հետախուզական միջոցառումների արդյունքում ապօրինի գործունեության հայտնաբերման դեպքում գանձվում է տուգանք՝ այդ գործունեության արդյունքում Օրենսգրքով սահմանված կարգով հաշվարկված ձեռնարկատիրական եկամտի 50 տոկոսի չափով, բայց ոչ պակաս 200 հազար դրամից:

Տվյալ դեպքում Արուսյակ Արամի Մկրտչյանի կողմից խախտումը վերջին 1 տարվա ընթացքում կատարվել է առաջին անգամ: Գործունեության ընթացքում ստացված ձեռնարկատիրական եկամուտը կազմում է 405.000 ՀՀ դրամ, որի 50%-ը կազմում է 202.500

ՀՀ դրամ, ուստի օրենսդրական պահանջից ելնելով Արուսյակ Արամի Մկրտչյանի նկատմամբ կիրառելի է 202.500 ՀՀ դրամ տուգանք:

Ելնելով վերոգրյալից և ղեկավարվելով ՀՀ հարկային օրենսգրքի 428-րդ հոդվածի 1-ին մասով, ՀՀ ՊԵԿ նախագահի 28.08.2019թ. N 562-Լ հրամանով.

Որոշեցի

1. Հաշվարկել և Արուսյակ Արամի Մկրտչյանին գանձման առաջադրել 202.500 ՀՀ դրամի չափով տուգանք՝ որպես հարկային պարտավորություն, համաձայն ստորև ներկայացված աղյուսակի՝

	Վճարման ենթակա գումար (դրամ)	Վճարման ուղղությունը	հաշվի համարը
Հարկային օրենսգրքի 407-րդ հոդվածով սահմանված տուգանք ընդամենը, որից՝	202.500	պետական բյուջե	900008000490

2. Ընդունել ի գիտություն՝

- 1) Սույն վարչական ակտն օրենքով սահմանված ժամկետում անբողոքարկելի դառնալուց հետո՝ օրենքով սահմանված ժամկետում վարչական ակտով առաջադրված տուգանքը չվճարվելու դեպքում, ենթակա է հարկադիր կատարման:
- 2) Սույն վարչական ակտն ընդունված է համարվում ստորագրվելու օրվանից և ուժի մեջ է մտնում հասցեատիրոջն իրազեկելուն հաջորդող օրվանից:
- 3) Սույն վարչական ակտն ուժի մեջ մտնելուց երկամսյա ժամկետում կարող է բողոքարկվել վարչական կամ դատական կարգով:
- 4) Սույն վարչական ակտը կազմվել է երեք օրինակից:

Իվ պետ Ա. Մնացականյան

Վարչական ակտն ընդունող պաշտոնատար անձի
պաշտոնը, անունը և ազգանունը

Կ.Տ.

Ստացա ակտի մեկ օրինակը

Արուսյակ Արամի Մկրտչյան

Ֆիզիկական անձի անունը, ազգանունը
(անհատ ձեռնարկատիրոջ դեպքում՝ անհատ
ձեռնարկատեր նշումով) իրավաբանական անձի գործադիր
մարմնի ղեկավար (գրագրության ընդունման համար
պաշտասխանատու անձ՝ հաղորդ առաքման դեպքում)

ստորագրությունը

2021թ.

(նշում ակտը ստորագրելուց և (կամ) ստանալուց հրաժարվելու մասին)